



P. HAYMASUTHAN (emas), Mohd. Farhan Kamarzaman (angsa), Yeo Suh Chan (perak) dan Amran Hamid (perak) bersama pasukannya sejurus tiba di KLIA selepas menyertai pertandingan Abylympics 2016 di Perancis, minggu lalu.

## Empat OKU harumkan nama negara

**SEPANG 29 Mac** - Kecacatan bukan penghalang bagi empat orang kurang upaya (OKU) termasuk seorang wanita untuk mengharumkan nama negara apabila masing-masing merangkul pelbagai pingat dalam pertandingan Abilympic Antarabangsa Kesembilan yang berlangsung di Bordeaux, Perancis minggu lalu.

Mereka adalah tiga OKU caca pendengaran iaitu P. Haymasuthan, 34; Yeo Suh Chan, 35, dan Mohd. Farhan Kamarzaman, 24, serta seorang OKU caca penglihatan, Amran Hamid, 30.

Presiden Majlis Pemulihian Malaysia, Datin Khadijah Suliman berkata, Malaysia telah mendapat pingat emas untuk kategori fotografi tertutup yang dimenangi oleh Haymasuthan manakala OKU wanita, Suh Chan pula menerima anugerah kecemerlangan dalam pertandingan lukisan.

"Dua OKU lain masing-masing mendapat gangsa iaitu Amran bagi kategori lukisan sutera dan Mohd. Farhan pula dalam pertandingan rekabentuk jalan web.

"Malaysia telah bersang bersama peserta dari 35 buah negara dalam 14 kategori seperti memasak, melukis dan pertukangan pada pertandingan tersebut. Alhamdulillah saingan itu membuktikan hasil apabila kita berjaya membawa pulang empat pingat," katanya ketika ditemui di Lapangan Terbang Antarabangsa Kuala Lumpur (KLIA), di sini hari ini.

Ketibaan empat OKU berkenaan bersama kontingen yang menyertai pertandingan itu ke tanah air diraikan dengan sambutan sorakan oleh keluarga dan rakan-rakan yang menanti kepulangan mereka.

Pada masa sama, Khadijah berkata, kemenangan itu membenarkan golongan OKU mampu menempa kejayaan dalam pelbagai bidang sekali gus berpeluang mengukir nama negara di peringkat antarabangsa.

Beliau memberitahu, pihaknya akan bernusa lebih keras dengan membuat perancangan teratur dalam memastikan negara memenangi banyak pingat dalam pertandingan tersebut pada masa hadapan.

Sementara itu, Haymasuthan ketika ditemui berkata, dia tidak sangka dapat membawa pulang pingat emas meskipun mengaku wujud persaingan sengit dalam kalangan negara yang menyertai pertandingan itu.

Katanya, kejayaan tersebut merupakan satu pengiktirafan bagi dirinya sebagai OKU kerana walaupun kurang upaya, dia mampu memperoleh kejayaan seperti orang lain.